



13. juli 2018

Inatsisartunut suleriaatsimi § 37 imm. 1 naapertorlugu, Naalackersuisunut apeqquteqaatit uku saqqummiuppakka.

Naalackersuisunut apeqquteqaat:

1. Inissiaateqarnerup qanoq annertussusaat pisortanit pigineqarpa? Akissummi illoqarfiit immikkoortiternissaat piumasarineqarpoq.

2 Inissiaqarnerup namminersortunngorsarnissaa siunertaralugu, pisortat inissiaataasa ilaasa namminersortunit tiguneqarnissaat Naalackersuisunit pilersarusiorneqarsimava? Akissutip sukumiisumik tunngavilersornissaa piumasarineqarpoq kiisalu illoqarfinni sorlarni inissiaqarnerup annerusumik namminersortunngortinnissaanut periarfissat ajunngitsut isummorsorfiusimani piumasarineqarluni.

3. Inissiaqarnerup annerusumik namminersortunit tiguneqarnissaata pilersinneranut, Naalackersuisunit suut iluaqutissatut isigineqarpat?

4. Inissiaqarnerup annerusumik namminersortunit tiguneqarnissaata pilersinneranut, Naalackersuisunit suut akornutissatut isigineqarpat?

5. Inissiaqarnerup pisortanit pigineqartup ilaat namminersortunit tiguneqassagaluarpas Namminersorlutik Oqartussat aningaasaqarnerannut suut sunniutaassappat, piffissaq qaninnerusooq ungasinnerusorlu eqqarsaatigalugu? Naatsorsuinerit illoqarfikaarlugit piareersarnissai piumasarineqarput, namminersortunngorsaanermit aallaaviussaaq inissiaqarnerup pisortanit pigineqartup 10, 20 aamma 30 procentia.

6. Inissiat attartukkat pisortanit pigineqartut qassi procentia inunnit, pisortanit arlaatigut tapissutisartunit, soorlu, SU, siusinaartumik pensionisiat, utoqqalinersiat imaluunniit assigisaat, inigineqarpat?

7. Pisamut soqutiginarsinnaasumik allamik Naalackersuisut paasissutissiisinnaappat?
(Inatsisartunut Ilaasorta, Malene Vahl Rasmussen, Demokraatit)

Peqqut

Isertuussaangilaq, inissiaqarnerup annersaa pisortanit pigineqarnera, tamassumalu kingunerigaa ineqarnermut akiliutit annertugisassaangitsut. Uanga isinnik isigalugu tamassuma pissutigaa, inissiaqarnerup ilumoortup akimittut akillip pilersinnissaa ajornakusoortoq, pissutigalugu inuit amerlanersaannut akilersinnaanerummat pisortat pigisaanni akikitsumik inissiamik attartorneq.

Tamassumalu kinguneraa, innuttaasut isertitaqarluartut amerlaqisut pisortanit pigineqartunit attartukkanik ineqarneri, taakkuuppullu piginneqatigiilluni imaluunniit nammineq pigisamik inimik pisisinnaalluarluartut, aningaasaqarnerannullu imminut akilersinnaangitsoq.

Tamassuma kinguneraa, utaqqisut amerliartuinnarneri kiisalu akikitsumik pisortanit pigineqartumik inissiamik attartugassamik innuttaasut pisariaqartitsivissut anguneqarsinnaanginneri.



DEMOKRAATIT
DEMOKRATERNE

Tamanna tunngavigalugu tamatumunnga Naalackersuisut pilersaarutaannik tusarlerneqarnissara soqutiginaartippara.

Suliffiit ullut qulit qaangertinnagit apeqqutima akineqarnissaat kissaatigaara.